



ЛЕНИНЭНЬ КИЯВА

1941 ие
М А Е Н Ь
30-це чи
60 (1356) №

ВЛКСМ-нь Мордовской обкомонтъ ды Саранск ошонь комитетэнь газетаст

ЛИСИ: 11-це ие,
12 № ковс

Организовамс культурнасто од ломатнень оймсема шкаст

Сась кизась. Пижезэ копачасть вир-
тне ды садтнэ, панжовить оймсемань
ды культурань парктнень кенкшест,
чокшнетнестэ валдомгавтсыз паркнень
аллеятнень ламо таркава кирвазича
толтнэ. Кода паро роботадо мейле мо-
лемс тов, культурнасто ды веселасто
ютавтомс эсь ютко шкаст!

Минек од ломатне вечксыз ударной,
стахановской трудонтъ, сынъ путыть
весе виест сенень, штобу эсь самоот-
верженной роботасост, максозь задани-
ятнень аккуратнойстэ топавтомасонтъ
кемекстамс социалистической родинанть
могуществанзо. Но минек од ломатне
бажить истя жо славной трудовой чи-
дентъ мейле парсте оймсема, культур-
нойстэ, содержательнойстэ ютавтомс
эсь ютко шкаст. Комсомольской орга-
низациятнень задачест лездамс од ло-
матненень тенесэ, организовамс куль-
турнасто сынст оймсема шкаст.

Кизэнтъ самонзо марто аволь аламо
од ломать арсить се вопросонтъ ланг-
соак, косо ды кода ютавтомс эсь от-
пусконтъ? Кода содазъ, оймсемань тур-
тов минек масторсо теезъ пек вадра
условият. Минек улитъ ламо санато-
риянок, оймсемань кудонк, ков эрва
иестэ яксить ламо кементъ ды сядот
тыща трудича. Ансяк а весенень эря-
ви якамс санаторияв ды оймсемань куд-
дов. Мекс, примеркс, шумбра од пё-
рантень ды тейтерентень эряви моле-
тов, ютавтомс тосо эсь ютко шканзо?
Арази аволь интересна, аволь седе вад-
ря сынст молема отпускето путешес-
твияв, якамс эсест республикань живо-
писной таркатнева, теке марто вейсэ
кармаме содамо сонзэ достопримеча-
тельностензэ? А ведь те максаволь од
ломатненень од виить, ламо впечатле-
ния, бодрость ды покш энергия твор-
ческой трудямонтъ туртов.

Минь содатано аволь вейке од ло-
мань, кона истят путешествиятнень
лови самий сехте вадра, сехте интере-
сной оймсемакс. «Комсомольской прав-
да» газетасо аумок печатазель Москов-
ской «Арматура» заводонь техникентъ
В. Владимирскоень сёрмазо, косо сон
ёвтни седе, кода ютавтни эсь отпус-
конзо. Зярдэ сонензэ завкомсо максык-
сылть путевка оймсема кудов, сон
отказзэ эйстэнзэ.

— А мезек монень оймсемань куд-
дось, — отвечась сон. — Сехте вадра
оймсемакс мон лован путешествият-
нень. Седе тов Владимирской ёвтни ко-
да парсте ютавтылизе отпусконзо (зя-
рыя иень перть пецек) Средней Ази-
янъ стептнева, Сибирьга, Крымга, Се-
верной Уралонь дремучей виртнева ды
лия таркава яказь.

Мордовиянь од ломатнень истяжо
улитъ весе условият тенъ ладсо ин-
тереснойстэ ды содержательнойстэ юта-
вомс эсь отпусконт. Республиканок ми-
нек сюпав вирьсэ, сонзэ территорияв

чудить истят замечательной лейть, ко-
да Сурасть, Алатырьсэ ды Мокшась.
Улитъ зярыя лия лейтькак, конань
перька живописной природась, сынст
эзга укшномасть могут улемс оймсемань
пек вадра таркакс.

Но теvesь аволь ансяк отпускнэсэ.
Кортамось моли кизна од ломатнень
весе оймсема, весе ютко шкаст органи-
зовамонть. Кортамось моли седе, што-
бу минек весе садтнэ, культурань ды
оймсемань парктнэ, стадионтнэ ды вол-
ной станциятне улелелить весеме ёндо
энокксэ трудичятнень культурнойстэ
обслуживаниятнень. Течи минь печата-
вано материал сенъ кувалт, кода Са-
ранск ошонь А. С. Пушкин лемсэ куль-
турань ды оймсемань паркось ано-
стась кизэнь сезононтень, кода сон
вастсынзэ ошонь трудичятнень. Эряви
меремс, што те паркось ютась иетнень
коряс ули пек седе вадрякс, мазыкс
ды культурнойкс. Ламо од, ламо эрва
мезе интересной неить трудичятне сон-
зэ эйс совамсто, эзганзо якамсто. Вад-
рясто ды культурнойстэ могут оймсема
те парконт ошонь од ломатне.

Но малавгак аволь истя ашти теvesь
садтнэнь ды парктнэнь марто район-
нэсэ. Ламо районга садтнэ аштитъ
стувтозекс, запущеннойкс. Ромодано-
вской райононь централонть ули аволь
берянь сад, конань можналь бу тееме
од ломатнень туртов замечательной ойм-
семань таркакс. Ансяк сонзэ вадрякс
тееманзо кпс кияк эзь мелявто, сон те
шкас мик алак пиря, секекак од чув-
тынетнень весе порнизь сеят, а покш-
тнень эйстэ ламонтнень тельня кер-
цизь пенгекс. ВЛКСМ-нь райкомось ды
сонзэ секретаресь Пятунин ялгась ов-
си мезяк эсть тее сенъ коряс, што-
бу ванстомс садонт ёмамодо.

Истямо ладсо жо кадозь ёмамо Об-
роченской спиртозаводонь садось
(Ичалковской р-н.)

Кизэнь шкастонть пек вадрят усло-
виятне од ломатнень ютксо спортивно-
физкультурной роботанть парсте арав-
томанзо туртов. Ней а эрявить мень-
гак башка помещениат, залт. Лисеть
паксянь ки ланге, паркнень аллея,
физкультурной городокс ды занимай-
ся физкультурасо ды спорто. Физ-
культурась ды спортось аштитъ од ло-
матнень туртов сехте вадра оймсемакс,
сынъ кемекстасыз од ломатнень шумб-
рачист. Секекак комсомольской органи-
зациятнень эряви покштояк покш
мельявомс те пек покш ды эрявикс ро-
ботанть образцовистэ ладямонзо лангс.

Од ломатнень ютко шкаст организо-
вамось, сонзэ культурнасто ютавтомасть
— комсомолонтъ покш теvesь. Миненек
эряви добовамс сенъ, штобу эрва ком-
сомолецэ, эрва од ломанесь ин-
тереснойстэ, содержательнойстэ ютавто-
лизе эсензэ отпусконзо, культурнасто
ютавтолизе эсь ютко шканзо.

Строить колхозной клуб

Михайловка велентъ куншкас теить
од здания. Те «Свобода» колхозонь
колхозниктне строить клуб, конань
зрительной залсонть карми улеме 100
тарка.

Клубонтъ строямс нолдазъ 1500 цел-
ковой. Те иень июньстэ клубось ули
строясь.

Ушанов.

Ромодановской р-н.

Учебно-опытной участка

Н.-Никольской школанть ули учеб-
но-опытной участказо, конань площа-
дезэ 0,5 гектар. Опытной участканть
сокизь сынъ тонавничятне. Сонзэ
лангс ули видеэ 12 культура. 6 куль-
туратнень видемасть уш прыдовсь.
Опытной участкантъ лангсо роботат-

несэ руководстванть вети биологиче-
скаго учителя Елизавета Петрова Ко-
лушова. Растениятнень касомаст меля-
га наблюдениятне максыть ламо зна-
ния тонавничятнень. Н. Яшаев,
Н.-Никольской школань директор.

Ельниковокой р-н.



Маень 25-це чистэ панжовсь 1941 иень велень хозяйствав Всесоюзной
выставкась.

СНИМКАСОНТЬ: колхозной Площадесь.

Фотосъ А. Мажуевонь.

(ТАСС).

Выставкань панжомо чинть вастызь видемань прыдомасо

Ромодановской райононь 11 колхоз ве-
леть хозяйствав Всесоюзной выставкань
панжомо чинть прыдыз яровой куль-
туратнень видеманть. Нетъ колхозтнень
ютксо выставкань участниксэ «Новый
быт», «Красный коломенец», «Красный
факал», «Правда», «Свобода» ды
«Красные всходы» колхозтнэ.

42 колхоз прыдыз ранней зерново-
бобовой культуратнень видеманть.
Сеть колхозтнэ, конат прыдыз яро-

вой культуратнень видеманть, кармасть
паринав сокамо. «Красный коломенец»,
«Заря» уш омбоце чи сокичь парина.
Ламо колхозт, примеркс, «Новый
быт», «13 Октябрь», «Якстере сокиця»,
«Новая жизнь» ды лият кармасть озим-
ень кочкамо, «Красный коломенец»
колхозось уш прыды озимень кочко-
манть.

Зярыя колхозт кармасть теeme ре-
монт уборочной машинатнень.

Ловнома кудотне видема шкасто

Тунда видема шкасто Рыбкинской
райононь ловнома кудотне седе вадрял-
гавтызь эсь роботасть.

Волгапина велень ловнома кудонь
заведующее Фомин ялгась организо-
вась 25 ломаньстэ агитбригада, ко-
нань члентнэ кемекстасъ агитационно-
массовой роботань ветиаме полеводчес-
кой бригадатнес. Сынъ обеденной пе-
рерывстэ паксясо роботыця колхозник-
тнень эрва кодамо темас тейнекш-
нить беседат, ловнокшныть газетат.

Чокшне ловнома кудос сакшныть ла-
мо колхозникт, конатне тесэ кунсо-
лыть докладт международног положени-
ядонтъ ды лия тема лангс.

Тезде башка тесэ а беряньстэ робо-
тыть оборонной ды художественной са-
модельностень кружоктне.

Истя жо вадрясто ладязь теvesь
Усть-Рахияновка ды Зайца велень лов-
нома кудотнесэ. Весе культурной робо-
тасть ветиави планонь коряс.

Г. Метляков.

Передовой тракторной бригадат

Н. Ямской машинно-тракторной стан-
циянь бригадатнень ютксо васенце тар-
канть занизе И. Макаев ялганть бри-
гадазо. Маень 20-це чинтень бригадась
топавтызе эсь производственной зада-
ниянтъ 74 процентс. «Дружба» колхоз-
сонть колмо тракторсо бригадась со-
кась 103 гектар. Ней бригадась робо-
ты «8 марта» колхозсо, кона кадиовсь
видемасонть. Нетъ читнестэ те колхоз-
сонтькак сон прыдсыз зерново-бобо-
вой культуратнень видеманть.

Куракин трактористэс колесной трак-
торсо сменазонзо соки 6—8 гектарт.

Омбоце тарканть те МТС-нь брига-
датнень ютксо занизе Афроськин ял-
ганть бригадазо, конань трактортнэ
сокасть 163 гектар, видсть 70, куль-
тивировастъ—123 гектар. Чушкаев
трактористэс чинь-чоп види 37—38
гектар.

И. Ершов.

Ельниковокой р-н.

Арась уход садонт меляга

Молотов лемсэ колхозсонть ули аволь
берянь сад, сонзэ эйсэ ульнесь 400
умарь чувто. Ней жо садсонть кадовсь
300 аламо умарь чувто. Истя секе, што
садонт меляга арась кодамояк уход,
умарь чувто тне косыкить. Ламо умарь-

нат керцестъ пенгекс.

Комсомолецтнэ ды колхозонь прав-
ленияв руководителтне тенень кода-
моак меля а явить.

Н. Перцов.

Ельниковокой р-н.

ШКОЛАТНЕСЭ ТУНДОНЬ ИСПЫТАНИЯТНЕ

Контрольной роботатне теезь вадрясто

Тонавтницатне учить эсь учителенть, кона карми марто стюавтомо контрольной робота рузонь келенть коряс. Учителесь П. К. Ефимкин кармась ловноманзо контрольной роботань текстэнь. Эрьва тонавтницясь томкасто арсесь эрьва предложенианть ды эсензэ пачк пугнесь препинаниань знакт.

Контрольной роботань результатне невтизь, што тонавтницатне серьезнасто аноктасть рузонь келенть испытаниатне, мезень коряс берянь отмет-

ка эйстэст конаськак эзь получа.

6-це классось сёрмадсь письменной робота родной келенть коряс. 3 тонавтният сёрмадызь отличнасто. Вадрясто тонавтынзе арифметикань коряс контрольной роботатнен 5-це классось. Вера Кудашкина, Маня Кудашкина, Перашкин роботаст сёрмадызь отличнасто.

В. Меряшкин.

М. Выселки,
Ст.-Синдровской р-н.

КОМСОМОЛЬСКОЙ КЛАСС

Минек школасо те иестэ испытаниатне ютыть седе вадрясто мелень коряс. Испытаниатнесэ комсомолентне ды пионертенэ невтиць пример весе тонавтниятненень. 10-це «Б» классось успеваемостень коряс школосонть заны васень тарка. Те классонть малав весе тонавтниятне — комсомолец. Алгебрань коряс письменной роботатнен сынь сёрмадызь анык вадрясто ды отличнасто.

Те классось тердизе социалистической соревнование 10-це «А» классонть. Сынь сёрмадсь письменной робота родной келенть ды алгебрань коряс. Роботатне сёрмадозь пильведкстэмс. Родной келенть коряс сисем ломать получасть отличной отметкат. Сех образцовой роботаозь ульнесь Чет-

верговань.

Испытаниатненень успешнасто ютамось неть класстнесэ — учебно-воспитательной роботанть вадрылгавтоманзо результат. Тесэ ульнесь парсте организоваз ялгань лездомось ды кеместэ ладзель дисциплинась. Комсомолентне иень перть виевгавтеть школанть ды эйкакштнен тетяст-аваст ютксо дружбасть.


Ичалковской р-н.

Москвин.

Кеме знания

Кеме знания невтиць испытаниатнесэ Порапа велень неполной средней школань 6-це «А» классось тонавтниятне. Родной келенть письменной роботань коряс испытаниатнен максызь весе отличнасто ды вадрясто. Отличниктнен ютксо Ваня Богомолов, Маня Кечина ды Чекашкина тонавтниятне, конат школосонть лововить сех вадря общественникс. Родной келенть коряс устной испытаниатнен 4 ломать максызь отличнасто ды 7 вадрясто.

Вадря успехть тонавтниятне невтиць географиянь коряс испытани-



Саранской 9-це № школань 8-це классось тонавтницясь М. Селякина тундонь испытаниатнен максы отличнасто.

СНИМКАСОНТЬ: М. Селякина физической кабинетсэ оныксты трениань виенть.

Фотось Б. Козловонь.

Москвин.

ятнесэ. Сережа Медведевонь ответэнзэ дивавтызь весе ассистентнен ды учителентькак. Кармась кортамо Уралонь полезной ископаемойтне ды ёвтинзе сынт истя точно, истя вадрясто, прок мерят тосо ульнесь. А седе беряньстэ отвечасть Бабина ды Кечина тонавтниятнеяк.

Истяжо тонавтниятне парсте максыть испытаниатнен математиканть ды рузонь келенть коряс.

Сергин.

Ковылкинской р-н.

Минек успехенек

Сех вадря успеваемость Чукало велень средней школосонть невтиць VII-це «А» классось тонавтниятне, конатнен эйстэ еще кияк эзь получа берянь отметка. Аволь беряньстэ ютасть испытаниатне V-це «Б» классонть (учителесь С. П. Тачков). Тосо контрольной робота сёрмадсь те предметэнь коряс 22 тонавтниятне, 9 роботатненень путозь «отлично», остаткатненень — «хорошо» ды «посред-

ственно». Анык вейке ломань получасть берянь отметка.

Тонавтниятне Ханявин Николай, Киржайкин Константин, Сурков Дмитрий, Тачков Володя, Кипайкин Андрей ды Тепайкин Виктор испытаниатнен максыть анык вадрясто ды отличнасто.

Н. Базайкин.

Ардатовской р-н.



Саранской 12-це № школасо рузонь келенть коряс испытаниатнесэ. Испытаниатнен примить К. И. Иванцкая педагогось ды М. В. Лентовская ассистентэсь. Фотось А. Кочинэнь.

Кода Сережа борозься шпаргалкатнен каршо

С. М. Кировонь школьной иедензэ ёвтнама

Сережа Костриков тонавтнесь ошонь училищасо. Сон ульнесь сех вишкине, но зато сех прилежной ды превей тонавтниятне. Кодамо бу стака урок авольть максо, Сережа эзь мелявто. Сон сайнесь книгат ды веселасто кундсесь тонавтниятне.

Вадрясто чарькодиця цёрантень пек курок кармась явомо башкамель математикань ды рузонь келенть учителесь Морозов. Те превей ды вадря ломанесь пек вечкизе Сережа Костриковонь. Зярд до киненьгак а решаи стака задача, учителесь тердизиле Сережань классной доскас ды тона курок видестэ решилизе.

— Ванодо, кода Костриковонь прызо роботы! — кортыль Морозов.

Но Сережа прят эзь шна. Сон свал паромельс лездиль кадовиця тонавтниятненень аноктаме урокт. Сон ламо часонь перть аштекиниль марто стюавтомо книга эхксэ. Сонзэ ульнесь мелез чийнемс улыцава, лексемс свежа кошто, но сон кармавсь эсь прынт аштеме учебник эхксэ ды толковась ялганзо туртов задакат.

Сережа эзинзе кирде корост шпар-

галкатнен. Сон содась, што шпаргалочниктне манчить аволь учителенть, но эсь прят. Сыть экзамент, сынь жо мезеяк содамо а кармить. Сонензэ виське ульнесь ваномс се тонавтниятнен лангс, конань кундасызь шпаргалка марто. Ды, теде башка, жаль тензэ марявсь Морозов учителесь. Зярд тонанень савиль наказамс шпаргалочник, чамазо сонзэ нусмакадыль ды сонсь учителесь, паряк, седеяк пек ризнесь, чем тонавтниятне.

Классо Костриков Сережа марто тонавтнесь второгоник, пек шумбра цёра. Сон ульнесь пек нузяк ды секс кадовсь теке жо классос омбопе иес. Уроксо сон свал баловась ды кунсолось сень, мезе ёвтыть тензэ ялгатне. Ялгатне жо лиясто, пейдеманы кис, тошкильть тензэ мезе понгсь. Ды весе тень сон отведилизе учителентень.

Весть школасо лиссь истямо случай. Сережа ульнесь классонь дежурноекс. Перемена то сон куродызе те пек шумбра тонавтниятнен, второгониктень, классо. Тона капшазь сёрмадыль задакат ломань тетрадьстэ.

Сережа мольс тензэ ды састо мерсь: — Дайка мон тет лездан! Тон тонсь решасак те задакатнь.

Цёрась пейдизевсь ды корты: — Мекс тесэ превтнен синтремс. Седе вадря ули, бути сёрмадса атак решазенть.

— Путок ломанень тетрадент эсь тарказонзо! — мерсь Сережа, каподизе кедьстэнзэ тетрадент ды ёвкытне партаст.

Сестэ цёрынесь каявсь лангзонзо туреме, но Костриков самзе сонзэ каркто, озавтызе парта эхксэ ды сонсь озась рядсек.

— Ну, давай вейсэ решамо! — ды сонсь панжизе задачникенть.

Лангс ваномс Сережа ульнесь сатьме, но решительной. Истямо решительной, што цёрынесь пельс седе тов туремадонть.

Сережа кирдсь сонзэ каркто ды эзсе нолда те шкас, зяре цёрынесь эзь карма сонсь чарькодеме. Сон зярдояк эзь робота сонсь, тесэ жо сонзэ кармавтыть арсеме. Те сонензэ ульнесь алкуксонь пиштемас. Но теемс ульнесь а мезе, савсь кунсолеме Сережань.

Тонавтниятне чарькодизе ды сонсь решизе задакатнь.

Сережа жо зярдояк ды киненьгак прят эзь шна теде.

Е. Федоров.

Мезес пачти эсь квалификациянь а кепедемась

Асатышка учебно-воспитательной роботась Алова велень средней школасо толковави сеньсэ, што учителенте аламо роботыть эсь лангсо, а кепедить эсест квалификацияст. Эсь квалификациянь а кепедемась теи ломатнен профессиональной невеждакс. Вана географиянь учителницась Е. А. Анашкина, кона а кепеди эсензэ идейно-политической ды культурной уровенензэ. Весть географиянь уроксо корты тонавтниятненень, што Маньчжуриясо японцтнеде лия нациянь ломатнеде ламо. Тенсэ самай сон оправдывает Китайсэ японской агрессиянтькак. Тюрина О. В. учителницась умок уш прядсь педучилищань васенце курс ды текень лангс лоткась, заочно косяк а тонавтни. Саммай секс сонзэ роботаство неят пек ламо асатыкст. Февралень 20-це чинь плансонзо сёрмадозь: «Самостоятельное решение задачу». Весе робочей чинь планонзо сёрмадозь схематичнойстэ. Апрельень 21-це чинь плансонзо сёрмадозь: «Заучивание песни «Кузнецы» со слов учителя. Пение». Кодамо цель аравты учителесь эстензэ те моронть тонавтензэ, кода ютавты сонзэ тонавтнеманть, — арась сёрмадозь.

Немецкой келенть учителницась С. К. Борискина оймавты эсь прынзо теезь успештнен лангс. Сон прядсь рабфак ды цель ие тонавтнесь пединститутсо, заочникакс косяк а ашти. Тень кувалт уроконзояк ютыть аволь интереснойстэ, вальтнень видестэ ёвтамонтень кодамояк мель а яви.

Фролов комсомолесэсь, физикань ды математикань преподавателесь, аволь анык а кепеди эсь квалификациязо, но мик а ловнокшны газетат ды методической литература. Те и ашти причина сеньсэ, што сонзэ предметэнь коряс школасо алкине успеваемостесь.

Истямо тевесэ седе тов курс а кирдеви. ВКП(б) нь XVIII-це конференциянь решениятне кармавтыть советской эрьва гражданианть кепедемс эсь квалификациязо. Учителенте те тевсэнь должны улемс примерэкс.

В. Начаркин.

Атяшевской район.

Юной шептнен лесксэст

Инсарской средней школань тонавтниятне ветить шепства Желябов лемсэ совхозонь вашотнен ды вазтнень лангсо, ды эряви меремс, што эйкакштнен те вадря тевесэ пек лездась колхозонтень молодняконь кастомасо.

Эрьва конюхонтень кемекстазь 20 вало. Нама, ськамонзо сонензэ седе стака ветаем мельгаст уход. Шептнен лесксэст марто жо конюхонтень тевезэ шождалгады ды вашотне касыть вадрясто. Эйкакштне эрьва чистэ наньке-кавнтить эйстэ, нолдтнить прогулкас, тонавтыть ласте ды крадзасо якамо, вецить сынт панст вельде.

Анык 1940 иень тунда юной шептне кастась 16 алаша, ды те иестэ — 13 алаша, конат ней роботыть паксысо.

Сех паромельс невтиць 8-це классось тонавтниятне Коля Андиянов (юной шептнен организатор), 3-це классось тонавтниятне Лена Муравьев, Егор Кудашкин, Володя Горбунов, Тоня Полуктова, Люба Полуктова ды Клавдия Кузнецова.

Вазтнень лангсо ветить шепства 16 тонавтниятне.

Юной шептнен эйстэ мелят кой-конат ульнесь кучозь ВСХВ-нь участникс. Те иестэ ламо юной шептне кемекстазь выставкань участникс кандидатокс.

В. Андиянов.

Желябов лемсэ совхозонь зоотехник.



Поски парконтэ толнэ

Неть чистнэ панжови Саранск ошонь А. С. Пушкин лемсэ оймсемань ды культурань паркось.

Тесэ минь печататано минек корреспондентэнь статья седе, кода паркось аноктась те цень сезононтень ды мезе од карми улеме парконтэ ютась цетнень коряс.



I.
Зярдэ-бути, революциядонть икеле, тесэ ульнесь базаронь тарка: бокав чиремезь ларект, шарманка марто карусель, конань пильгевтеме «айгорнэнь» лангсо велась хулиган ды сельгенесь перькаванзо кургонь автнпцятнень лангс; толчоконтэ песэ моравтсь сокорицейть; забор ало ваялсь куды иредьстэ ломань, конань кенереть илештэме зепензэ; косо бути авардсь эрзянь ава, конань салызь остатка ярмаккензэ ды рудаз, рудаз, кувач ала, а алашасо эсть ютавкшно.

Но минек шкатвествэ истямокс те таркась кувач эзь кадовкшно. Саранск ошонь комсомолентэ ды од ломатне сонзэ кочкизь эстет культурань ды оймсемань паркось.

Ды вана 1935 иень тунда ламо сядот комсомолентэ ды од ломатне лисеть тезей койме, узере, тачка марто ды лаказемсь роботась: валась луткотнень-латкотнень, синтресть ларектнень, костясть болотатнень. Ульнесь озавтозь зяря тышат од чувт ды весе икелень бескультурянь таркас келемсь од парк, конась иестэ-иес яла мазыгда. Ней сон теевсь Саранскоень труднпцятнень, секте вечкевикс оймсема таркакс.

II.

Парконтэ валдо толонзо курок таго кирвазить.

Эрва тунда, А. С. Пушкин лемсэ культурань ды оймсемань парконтэ панжомась тейневкшнэви Саранскоень од ломатненень праздникекс. Но теди-де те праздникекс кода-бути неяви седе весёлакс, седе седейс педиякс. Те и секс, што парконтэ липязо седе мазыгань, сонзэ толонзо седе ваньксестэ палыть, и секс, што труднпцятнень, од ломатненень эрямокс теевсь седейкс нек содержательнойкс, сынст эрва чись тееви седейкс радостнойкс, счастливойкс. Минек эрямонть радостнойкс теи созидательной трудось, талантливой роботась. Зярдэ жо ламо ды вадрясто роботат—сестэ оймсемаськак кода-бути седе нек седейс педи.

Продуктивной роботадонть мейле—приятной оймамо! Тень свал мельсэст кирдизь художниктне, музыкантнэ, плотниктне, чернорабочейтне, весе сеть, китэ аноктась парконтэ кизэнь сезононтень.

Эрвась, кие тедице васенцеде совипаркс—покш мельсэ карми вешнеме-вановтсонзо весе сень, мезе ули тосо од.

— А—ну, мезе тесэ од, мелень коряс седе вадря!

Ды аллеянева ютамсто сон паромельсэ карми ялганстэнь ёвтнеме:

— Вана те статуясь од, вана те паннось мелят арасель тесэ.

Мезе, алкукскак, тесэ одось?

III.

Парконтэнь совамодо мейле вить кель ёнов туи аллея. Те—физкультурникенъ аллея, конась вети физкультурной городоконтэнь. Еше мелят те аллеянь ды городоконтэ таркась ульнестэ секте чопода ды чаво таркакс весе парконтэ. Ней те таркась карми улеме од ломатненень секте вечкевикс таркакс. Аллеянь кавто бокава кармить улеме ладязь вадрясто рисовазь оборонно-физкультурной 16 значокт. Тесэ кармить улеме ГТО, Турист, ГСО, ПВХО, Автолюбитель, Ворошиловский стрелок, Парашютист, Осводец ды лият. Неть значокт, конатнень достоянство эстет мештесэ кантнень минек республикань од ломатне, конатнень кантнеме права сын добоваст тельня бурянь пачк соксэо яказь, осовиахимской лагерсэ вадрясто леднезь, парашюто кирнявтнезь, лыжной ды гимнастической соревнованиатнесэ участиань примазь.

Тесэ жо карми улеме аравтозь художественной панно минек масторо од ломатненень счастливой эрямокс ды роботадокс ды летчикень од скульптура.

Кода полавтсь эсь липязо физкультурной городокось? Бути мелят тесэ кайсь тикше, тедице од ломатне тестэ мунть эрва кодат развлечения, налксемат. Тесэ зярдок а карми улеме скушна, секс, што кармить роботамо 2 волейбольной площадкат, баскетбольной площадка. Ули мелеть—налксек городкасо, крокетсэ, тейнек гимнастической упражнения, тесэ кармить улеме ладязь кольца, канатт, кустимат, турник, зяря эрва кодат аттракционт.

Спортивной обществатне те городоконтэ кармить ютавтомо ГТО нъ, ГСО-нъ, Ворошиловской стрелоконъ, ПВХО-нъ значоктнень лангс нормань примамонть. Тесэ свал кармить дежурямо инструкторт.

А содавиксэкс карми неявиомо центральной аллеясь. Сонзэ мазылгавтсь 8 метрань кувалмосо ды 4 метрань сэрсэ художественной паннот. Тесэ карми улеме панно—Советской Союзонь маршалтнэ—К. Е. Ворошилов, С. К. Тимошенко, С. М. Буденный, Шапошников, Кулик ялгатнень портретэст мар-

то. Неть полководец, конатне Ленинэнь ды Сталинэнь руководствэст коряс гражданской войнастонть эстет армияст, полкост марто громасть интервентнэнь—добоваст бойсэ тенек вана те нек вадря эрямонть. Сынст лангс ваномсто икелень красногвардеецэс лептасынзе ютазь боевой иетнень, якстереармеецэс—Хасансо, Халкин-Голсо, Финляндиянь виртнесэ врагонть сокрушительной громамонзо.

Омбоне покш паннось карми невитеме 1941 иень народной хозяйствань государственной планонть, те иестэнь минек масторо грандиозной стройкатнень.

Центральной аллеясонть интересной ули колмоце паннось. Тесэ наглядно ули неветсь се, кода 1929 иестэ саезь 1940 иес кассь производственной уровенесь минек масторо ды Американь Соединенной Штатнэсэ. Минек масторо производственной уровенень неветия цифратнень лангс варштазь эрва труднпцясь мельсэпаросэ ёвтасынзе минек шкань великой поэтэнт Владимир Маяковскийн валонзо:

Кенярдан нек—

те
трудось монь,
республиканть,
монь
роботас валови.

Алкукскак, эрва труднпцятнь роботамо, кодамо тев сон авольтее бу, неяви вана неть изямонь касыця цифратнестэ.

Саранскоень труднпцятнень культурной оймсемань нек вадря таркакс парконтэ карми улеме кизэнь од кинотеатрась, косо эрва сеансто могут картинанть ваномс 400 ломань.

Вадрясто можна оймамс иста жо театрасо, читальнясо, биллиарднойсэ, танцевальной площадкосо, нурсема таркасо, тирсэ.

IV.

Од ломатне сынсь тедице кармить тееме эстет содержательной ды весёлой оймсема. Те оймсеманть организавомос покш инициативаст карми улеме комсомолонтэ ды спортивной обществатнень.

Тесэ нек вадря мероприятия кармить ютавтомо спортивной обществатне. Сын эрва недлячистэ чинь ды чокшнень перть занясызь парконтэ весе площадкатнень: те недлячистэнь, примеркс, «Спартак» обществась, сы недлячиять «Учитель» ды иста седе тов. Те карми улеме спортивной об-

ществань чи. Эсензэ чистэнь те или тона обществась неветсь весе эсензэ изнявксонзо, организови эрва кодат налксемат, сёрмады лозунгт ды плакатт, нолды эсензэ газета, неветсьынзе эсензэ секте вадря физкультурникензэ, рекордсменэнзэ, сынст выступленияст, организови физкультурной соревнованиат оборонной значок лангс норматнень максомат. Парконтэ панжомсто физкультурной васень недлячиять ютавтсь «Медик» ды «Учитель» обществатне. Сын те чинтень умок уш кармасть аноктамо, секс, эрви кемемс, неть обществатне содержательнойкс ютавсь те чинть.

Август ковсто ошонь од ломатне парконтэ ютавтыть костюмированной маскарад. Те карми улеме нек весёла чокшнэ, пейдематненень, моронь ды музыкань гайгематненень а карми улеме пе.


Интереснойкс карми улеме сеяк, што парткабинетэс тесэ карми ютавтомо консультации международной положенианть коряс. Мелень коряс эстрадной площадкаськак а карми эрямо чаво: тесэ ошонь самодельной кружоктне неветсь эстет выступленияст. Парконтэ панжомо чистэнь выступит артскладонь художественной коллективесь.

Мелень коряс тедице парконтэ седе ламо карми улеме зеленъ ды цветкат: од озавтозь 3.000 кустарник ды покш чувт, конатнень ютксэ иста, кода барбарис, шаровидной тополь ды лият, конатне тезей озавтозь васенцеде, озавтозь истяжо 12.000 корентцветкань россада.

Пиже чувтнэнь ды лопап таратнэнь юткова карми якстердеме кумацеськак. Парконтэ келес лыинезевить 200 флакет, 12 лозунгт, 10 угольникт, конатнесэ кармить улеме сёрмадозь башка статьят Сталинской Конституциястонть.

Ней парконтэ теевить меельсэ тевтне, аноктамотне. Куроксто парконтэ келес кирвазить толнэ, зэрнезевить музыкась, лыинезевить флактнэ ды плакатнэ, панжовить парконтэ кенкшензэ ды совадо, вечкевикс ялгат, тезей оймсема эсенк производительной трудонк, стахановской роботадонк мейле.

Ал. ЗАРЕВСКИЙ.



Саранск ошонь культурань ды оймсемань парконтэ. Снимкасонтэ: (керш ёно) В. И. Ленинэнь памятникесь, (куншкэс) ловнома кудось (вить ёно) од кинотеатрась. Фотось В. Ивешинэнь.

Заементень эйста средстватненъ лангс строязь школат, клубт, больницят

Ростовской областень, Сальской райононь трудиятне пек покш мельсэ эрва иестэ макснесызь эсест ебереженяст государственной заементес, конат молит родинанть оборонной виензэ кемекстамонтень, хозяйственной ды культурной строительствантень.

Меельсэ вете иетненъ перть Сальской райононь заементъ кирдицятненъ сатонть облигациятненъ коряс выгрышт 1.411 тыща целковой. Заементень эйста районной бюджетс отчислениятне ульнест 5.810 тыща целковой —сынъ ютавтозь районсонть культуранть седе тов кастомантень. Строязь ниле аволь полной средней ды начальной школат, культуранъ районной кудот, велетнесэ 7 чачтамо кудот. Воронцово велесэ строязь водопровод.

В. И. Ленинэнь сочинениятненъ омбоце томось

Маень 28-це чистэ Ленинградсо «Печатный двор» типографиясь ушодсь максомо КОГИЗ-нь книжной базантень В. И. Ленинэнь сочинениятненъ ниле-це изданиянь омбоце томонть. Уш максомозь зярря тыща книга. Эйстэст пельксэсь кучозь Московов.

(ТАСС).

ФЗ0-нь школатнестэ нолдазтненъ путевканъ максомась

Маень 28-це чистэ трудовой резерватненъ Киевской областной управленийс кармасть максомо ФЗ0-нь школатнестэ нолдазтненъ путевкат предприятиятнес. Майкопнефтекомбинатов роботас васенце путевкат получасть 15 штукатур, конат прыдызь ФЗ0-нь 7-це № школанть ды 25 электромонтер, конатненъ нолдынзе ФЗ0-нь 31-це № школась.

(ТАСС).

Государствантень брынзанъ максомась

Киргизиянь колхозтне ушодсь 1941 иень обязательной поставкатненъ счетс брынзанъ максомо. Аноктасъ продукциянь васенце 200 центнер. Весемезь республиканъ колхозтне те иестэнт максыть 5.072 центнер брынза.

Ревень стадатненъ мельга, конат чистэ-чис седеяк яла верев кузить пандтнень пряс, якить брынзанъ пидема 212 передвижной завод.

(ТАСС).

Од ломатне молитъ военно-морской училищав

Ламо од ломать, Шугурова велень средней школанъ тонавтницят-выпускникъ, сайсть мель получае военной специальность. Сех ломатне эйстэст теить запрост военно-морской училищав. В. А. Жуклин тонавтницясь запросонзо лангс получае уш ответ Черноморской военно-морской училищасто.

И. Аношкин документанзэ кучинзе Ленинградской военно-морской академияв.

В. Аношкин.

Б.-Березниковской р-н.

Европасо, Африкасо ды Азиясо войнась

(Маень 28-це чистэ военной действиятненъ дневник)

Германской командованиянтъ сводка-сонзо пачтневи, што Маень 28-це чинь каршо вестэнт германской авиациясь теинесь налетт Англиянь юго-западной ды южной побережьянь портовой сооруженийитненъ лангс.

Секе жо вестэнт, пачти Рейтер агентствасъ, английской военно-воздушной виитне теистъ налетт Кельнес промышленной объектиень лангс ды иста жо Булоньсэ доктненъ лангс ды Канонть маласо германской аэродромонть лангс (Франция).

* * *

Средиземной морянь бассейнасонть военной действиятне, конатнесэ участвовитъ воювиця ёнксонъ сухопутной, воздушной ды морской виитне, седеяк яла пек виевгальт. Вана уш вейксэ читъ моли пек виев бороцямо Крит островонть лангсо. Германской сведениятненъ коряс, германской горной частне виев сражениядонть мейле саизь Кавия ошонть (островонть западной пельксэзэ). Неень шкастонть бойть молитъ Кавиянтъ эйста восток ёно, Суды бухтанть эйста юг ёно.

Английской флотось, пачти Юнайтед Пресс агентствасъ, истожакшисы малас эрва суданть, кона снартни валгестоме Крит островонть лангс германской подкрепленият. Чополгадоманть марто английской кораблятне леднитъ германской воздушной десантненъ лангс, конат сакшныть островонть.

Меельсэ шкастонть Средиземной морясо виевгалиця военной операциятнесэ кармасть участвовамо английской подводной лодкатне, конат Рейтер агентствантъ сообщениянзо коряс, ваявельсэ зярря итальянской суднат, конат укесельсэ Ливияв войскаст ды боеприпаст.

Северной Африкасо Соллумонъ районсонть германо-итальянской частне таго ютасть египетской границанть трокс ды шаштеть зярря миляс восток

Губерт Гоф генералонть статьязо

Рейтер агентствасъ пачти эсензэ военной обозревателентъ Губерт Гоф генералонть статьянзо. Вейксэ читъ уш моли пек виев бороцямо Крит островонть лангсо, сёрмады Гоф. Воздухо эсест превосходстваст кувалма немецтне маштеть бойкасто пачтамс Крит островонть лангс сатышка виить, конат апак лотксе лепштитъ английской войскастненъ лангс. Островонть лангсо положенийс ашти нама критическойс, но ламос ашти сень эйста, кода воювиця ёнкстненъ удалы кучомс под-

ёнов. Рейтер агентствасъ пачти, што англичантне лоткавтызь германо-итальянской частненъ, конат ветить наступления Соллумонть эйста юг ёно. Неень шкастонть бойть молитъ 60 километранъ кувалмосо фронтсонть. Германской атакась, седе тов пачти агентствасъ, кода неяви, а ашти Египет лангс общей наступлениякс. Эсест наступления соот немецтне, кода неяви бажить саемс англичантненъ кедейсэ выгодной позицият пандтнэва ютамотарканть вакссо, конат аштитъ вадря исходной таркакс седе тов бороцямонть вейямонть.

Абиссиниясо эрыктненъ районсонть английской частне прыдыть итальянской войскастненъ эйста тарканть ванькскавтоманзо коряс операциятненъ. Абиссинской фронтонъ лия сектортнэсэ виев лиземетне зяре мешить военной действиятненъ виевгавтоманть.

Итальянской командованиянтъ сводка-сонзо пачтневи, што Амхара областисэнтъ итальянской гарнизоносъ, кона ламо шканъ перть ашти кружась, эзизе прима противникентень эсь прынзо максомодо предложениянтъ.

* * *

Ираксо военной действиятне икеле ладсо виевгальт Басранъ районсонть ды Рутбанъ ды Рамадинъ ютксо. Иракской войскастне, ёвтазь иракской командованиянтъ сводка-сонзо, Басранъ районсонть атаковизъ английской войскаст лагерентъ. Рутбанъ ды Рамадинъ ютксо районсонть теевсь столкновения англичант войскастненъ ды иракской бронечастненъ ютксо. Хаббаниянь районсонть военной действиятне стакалгавтозъ наводнениянтъ кувалма. Гавас—ОФИ агентствантъ сообщенианзо коряс Евфрат лейсэнтъ ведеть уровенезэ яла кепедевкшни. Хаббаниясо аэродромось эрва ёндо пирязь ведсэ ды ашти опасностьсэ.

(ТАСС).

РУЗВЕЛЬТЭНЪ РЕЧЕЗЭ

Радио вельде эсь речээнзэ, кона ёвтазь маень 27-це чистэ, Рузвельт теиштызе, што неень войнась теевсь мировой господстванть кис войнакс, мезентень, кода сон явоялетьс, бажит неень шканъ Германиясь. Осень державатне морятненъ лангсо контролень аравтоманть кис бажить саемс Англиянтъ. Атлантической океанонть кис туремась ветяви Северной полюсонъ ведтнестэ Антарктиканть видьс. Рузвельт явоялетьс, што неень шкастонть английской торговой флотонть ёмаксонзо английской судостроительной верфтиень производственной мощностест коряс колмоксть седе покшт. Тень каршо США-сь может примамс ве шкасто кавто ладонъ мерат: капшавтомс торговой суднатненъ строямонть ды лездема морясо ёмакстнень алаомогавтоманть.

Прядомсто Рузвельт мерсь: минь Америкасо карматано минсь решамо эсенек туртов теевсь ли, зярдо ды ко-со американской интереснень лангс

нападения ды теевсь ли угроза США-нтъ безопасностензэ туртов. Минь а лоткатано нападениянтъ каршо вачкодеманть туртов эсенек вооруженной виитнень использованть икеле.

(ТАСС).

Эсензэ выступлениядонзо икеле Рузвельт публиковасъ декларация, конаньсэ явоялетьневи США-со аволь ограниченной чрезвычайной положенийн аравтома.

Неень шканъ обстановкасэ кармавты, штобу США-нь правительствасъ, США-нтъ ды Западной полушариянтъ безопасностест кис, ютаволь военной виень вопростнэсэ мирной шканъ полномочиятненъ эйста мероприятиятненъ, конат максыть США-нтень возможность «сеске жо ды решительностэ мнзямс Западной полушариянтъ враждебной оружениянъ или сонзэ лангс нападениянтъ туртов хоть кодамо базанть теаманъ эрва кодамо снартноманть».

(ТАСС).



СНИМКАСОНТЬ: Саранской 9-це № школанъ 9-це классонъ тонавтницясь-отличникесь, школьной комсомольской организациянъ секретаресь В. Калинин успешно максы тундонъ испытаниянтень.

Фотось Б. Козловонъ.

А. Мартынов.

Колмо геройт (Васенко, Усыськин, Федосенко васень странотавтнэненъ)

Арась!
Сынъ а ёмить менельсэ пель ютке,
И пельтне ваньскавтыть тест ки сэнъ.
Нетъ колмо геройтне
Куйсть тештетненъ юткс,
Штоб эждамс тештнень седей нексэ.

Арась!
Сынъ эсть тапавт масторонть ёжес,
И седеест пештекс
Эсть чулгово,
Эсть.
Геройт колмо—верье
Эсь ойме коштсост
Родной масторонок эждасть.

Ды секс сынъ эсть тапавт,
Эсть порксавт модас,
Сынъ токнотыть эрванть седейсэ.
Кода жо тапавомс тест лембе модас,
Конанъ сынъ эждазь эсест теваэ?

Арась!
Сынъ эсть тапавт,
Сынъ истят живойт
Ламо миллионтнень седейсэ!
Сынъ менельсэ и модас
Кастыть од геройт
Эсест героической теваэ.

Мекс а бороцитъ ваньксчинть кис?

Костояк а муят истямо рудазов кудот, кодат Косогор велень «Красный Восток» колхозонъ 1—2-це бригаданъ кудотне. Киякстнень иезенэзэ шлякшныть ансяк кавкетъ-колмоксть, вальма раматнестэ пулентъ а нардтнить зардожк. Эрва кудонть вакссто муят навоз куяты ды олгт.

Мик колхозонъ правлениясонть зардожк ваньксчи а эрси. Свал тосо таргитъ ды киякксо ёртнить цигарка петь.

Весе те бескультурьясь—комсомольской организациянтъ лавшо роботанзо результат. Ведь комсомолецтне весе ловнызь Ромодановской райононъ «Свобода» колхозонъ комсомолецтнень сёрмаст, но мекс жо сынъ а бороцитъ велесэ культурантъ ды ваньксчинть кис?

М. Ширманин,
Г. Росяйкин.

Б.-Березниковской район.

Ответ. редакторось А. ШЕГЛОВ.